

重修四川通志

卷三十六

四川通志卷三十六

輿地志

三十五

祠廟

三

夔州府

奉節縣

附郭

文廟在城內東南

詳見學校祀典各屬縣制同

崇聖祠在明倫堂東

名宦祠在文廟東

鄉賢祠在文廟西東

忠義祠在 文廟門東

節孝祠在 文廟門西

以上五祠各屬縣俱有之

關帝廟在城東

各屬縣鄉鎮俱有之

社稷壇在城西

附郭不置餘屬縣制同

風雲雷雨山川壇在城南

附郭不置餘屬縣制同

先農壇在城東

國朝雍正六年建詳見祀典附郭不置餘屬縣制同

城隍廟在府西明宏治間知府楊公奇遷建縣舊基

各屬縣俱有之

文昌祠在

文廟東

各屬縣多有之

東嶽廟在城東

各屬縣多有之

火神祠

附明蕭騰鳳記夔舊多火災民病甚太守東亭李公至思為民地則立廟祀火神東

置天門坊取水勝火之義北濬萬年馬蝗二泉度城入井以省江汲以澤燥剛火遂不為災民有寧宇值歲熟入廟報事者相踵夫反風滅火史稱異政公以至誠感神坎離既濟火患永熄勒石其宜公名宜春東郡人也登戊辰第由司徒中郎出守夔門云

宋公祠在學宮內祀郡守宋鴻儒

崇忠祠在學宮東明巡撫林俊建祀武侯關聖張

桓侯

有夏皇祖廟在縣東

附宋張玠記至神長存大功必報廟而祀祀而歆亘千萬

載顯顯注人心目是崇是敬是興是奉斯不有主  
張綱維之者耶開闢之初三靈未奠五行以汨時  
則洪水橫流懷襄滔天民用昏墊弗協厥居惟大  
禹以神智承命俾乂克底平成之功迹其乘四載  
別九州刊木濬川導江決漢櫛風沐雨手胼足胝  
八年于外而後澤者道陵者藝人得平土以居六  
府孔修三事允治餘風遺澤至于今賴之則所以  
報之宜何如春秋時劉定公館于雒汭猶思禹之  
功德且有微禹吾其魚乎之歎矧茲夔門當西蜀  
川流之聚合數百源而委之沆漭汜濫又甚他所  
而巴岡巫嶠崔嵬盤錯壁立骨峙綿亘峻極固塞  
其衝奔潰洶湧之勢艱乎爲力哉已而瞿唐派分  
灩澦孤蹲千崖萬磴兩兩却立黃流巨浸帖帖東  
下環數千里之地既宅既旅既蠶既粒孰知疏鑿  
功用之至於斯耶有唐杜少陵詩以史名寓夔日  
一吟咏不忘其本若曰禹功翊造化曰禹功饒斲

石曰江流思夏后之類言意諄復殆不可以悉數  
是其感慨景仰之情發爲聲音有不能以自已後  
之志於時者至此詎得無所懷哉歲已酉玠被命  
將漕夔門居無何復攝郡事率職之外於修廢興  
闕竊有意而未遑也未幾前制帥趙公以書來言  
夏后平水之功與天地並今江淮河漢間咸知奉  
祀夔門疏鑿之力尤艱大而廟貌獨無何以示報  
本之意盍亟圖之僕因考前代有少遺烈在茲土  
者率有祠奉顧后之不績冒六合而導江至斯功  
尤顯茂乃獨無享祭之地誠大闕典於是始爲剏  
建謀乃於江滸之白帝城得隙地十畝高明虛曠  
控瞿唐而臨灩澦厥土燥壤厥勢面陽議以築曰  
宜哉則命計工役事材用旣集未及作而今帥帳  
單公實來交郡章乃相與言是事具以營造囑之  
尋以卜龜未食更歲始得出幣僦工衆役皆作凡  
爲殿爲門及廊廡之屬合百楹乃塗乃堊乃設貌  
像器用從給不陋不華俾爾邦人與夫來者有以  
爲瞻依享祀之所而其明明之德猶足以令江神

而濟舟楫也昔人論廟祀以爲德厚者流光德薄者流卑故有萬世之功斯享萬世之祀乃今廟貌之設夫豈荒忽迂誕而莫可質信哉繼自今薦而馨香實而恭敬肩袂相屬於廟廷者雖至於無窮可也

白帝廟在縣東八里舊州城內有三石笋宋祀公

孫述

入蜀記白帝廟氣象甚古松柏皆百年物有數碑皆孟蜀時立庭中石笋有黃魯直建中

靖國元年題字按華陽國志蜀有五丁力士能移山舉萬鈞每立大石長三丈重千鈞爲墓志今石笋是也未有謚列但以五色爲主故其廟稱青赤黑黃白帝也以此考之則白帝不必盡指公孫述而楊氏之說未爲無稽矣附唐李貽孫記白帝城東南斗上二百七十步得白帝廟白帝公孫述自名也後人因其廟時享焉牖宇飾偶煥如神功怪樹峯笋疎羅後前罅山險濤望者驚貽唐唐次文

維年月日謹以清酌之奠敢昭薦於公孫帝之靈  
帝以雄傑之度遇雲雷之屯思翼中夏遂荒南土  
覽江山之積咀愍威武以鎮衛高築雉堞遂城於  
茲憑秋方肅殺之名阨硤口崩騰之險邦人敬仰  
永飾闕宮水旱之災每歲祈禱而斯應福及黎庶  
今大火已流商風始至時方旱暵稼穡如燔敢以  
精誠用祈明哲庶滂沱大澤匪夕而朝酬報之盛  
冀填瑤席宋張琬記漢室不競王莽擅朝夤緣肺  
腑遂盜弄神器天人之所不與凡一世之豪傑有  
志天下者皆得起而誅之公孫帝蓋欲誅莽賊之  
一人也於漢何罪而近年有蒙帝以僭叛之名者  
過車不式祠禮不講邦人奔走禱嘗事既喻千載  
矣聞而醜之珣敬爲特書表正其事謹按更始二  
年公孫帝自立爲蜀王明年夏四月稱帝改元龍  
興是歲漢世祖以蕭王卽位鄴南改元建武是爲  
光武皇帝方豪傑羣起時孰不欲頓八紘身都萬  
乘而廢興有命神器非人力可爭要其終始公孫  
帝初不得罪於漢而盡有益州之地子養一方者

十有三年於蜀不得爲無功臨陳殞命與其國俱  
爲存也以誓死不降一念能血食千祀視古神明  
無所少讓然則其志可謂賢矣光武嘗賜公孫皇  
帝書且曰君非吾賊臣亂子則蒙帝以僭亂之名  
者其失於考按甚矣玠敬以漢法隸大書其榜曰  
公孫皇帝之祠且敬叙其本末如右方刻之廟中  
以一洗其誣帝英爽如在尙其臨鑒此言帝諱述  
字子陽號成家世呼爲白帝廟云宋楊安誠詩并  
序白帝廟神舊傳以爲公孫氏以余考之非也公  
孫氏享國曰淺轍迹未嘗至夔獨遣田戎任滿戍  
江關岑彭入江關不復爲戍守公孫氏無從廟食  
按酈道元水經注瞿唐灘上有神廟甚靈刺史二  
千石過其下不敢伐鼓鳴角恐致風雨舟人上水  
以布裹篙足不令觸石有聲蓋不謂其神爲公孫  
氏瞿唐天下至險必有神物司之但有廟偶聯白  
帝城俗遂從而譌爾蜀江萬壑俱東奔瞿唐喧  
爭一門驚濤駭浪建瓴下顛崖仆谷相吐吞朋妖  
窟宅恃幽阻正晝噴薄陰霾昏靈宮奕奕鎮地險

衆瀆稟命川祇尊赤甲後聳黃熊躍灩澦前峙青  
猿蹲舳艫啣尾下吳楚約束蛟鰐如雞豚舊傳鼓  
角致雨雹裏笥不觸撐舟痕綜理脉絡盡西徼帝  
假之柄攸司存子陽祚國十年近此地未省東其  
轅聯江列炬鐵鎖斷戎滿奔北無畱屯江關回首  
盡漢幟遺黎何自知公孫血食漢代定不爾但有  
故壘山之樊子美誤信齊東語感慨勇畧招英魂  
山川之靈載望秩僭偽詎可同時論向來名實久  
淆涵薦裸無乃瀆俎牐請從酈元爲考證神理昭  
昭斯可原張俞詩孤山捍江口上有白帝祠橫視  
天下險萬流皆俯窺古殿鎖神物悲風出陰帷天  
昏瓦棟折狐鼠亦生威優巫日鼓舞鬼怪生奔馳  
雷霆卷蛟窟雹火燒松枝入戶精魄動有如陰兵  
隨吁哉漢盜亂海內遂崩離赤龍始潛躍逐鹿過  
秦時公孫奮神劍定蜀圖安危隴坻開北戶荆門  
啟東陲長驅百萬衆日鬪天下師羣豪插羽翼與  
漢爭雄雌兩帝不竝立興亡良可悲天運雖有在  
聖賢豈無爲昭皇攬英傑襲軌奄重基風雲共浩

蕩千古餘寒碑威福豈不沒萬里震南夷元田不  
 伐詩楚山中到三峽開長江浩浩從西來瀟淪巨  
 浸吞萬派注預傑立高崔嵬鯨波回薄山半角征  
 輦摻疊鳴春雷蹴石巖壁勢益很怒濤駭浪爭鳴  
 逐舟師絕叫不容瞬風滿孰敢施檣桅龍驤蒙衝  
 量萬斛梢瀆擎漩如枯芟昔聞有神司正直江潭  
 祠宇畱山隈羞半醺薦誠懇幽鑒冀蒙神所哀  
 跋施鼓櫂駛東驚忽忽已過巫陽臺巴徼炎瘴盡  
 如霧湯燭赫日昏風霾欻然晴皎射峭壁翠光冶  
 灑無纖埃聯娟嵐光落衣袂飛雲容與風颺颺祝  
 融之祥古亦有神之報與良豐哉嗟余陷阱豈無  
 謂九死寧知禍有胎觸機直前靡顧後壬人宵小  
 爭嫌猜燎原之勢既猛烈垂涎膏血如狼豺盼刀  
 陰顧肆舞勇脅肩詔笑如詼俳違道羣奸蠱禁橐  
 盡網異議爲梯媒旋踵已爲鬼矚室俄驚白骨生  
 蒼苔人勝有時天亦定肝蠻疎網常恢恢險夷百  
 折堅一節君恩浩蕩天昭回再居常詩西南割據  
 幾何年長託威靈灑灑前霸氣不隨天數盡神祠

猶壓地形偏舟航歲晚方孤客關塞山寒更暮煙  
欲論興亡愁意緒持杯寂寞酹山川蘇軾詩朔風  
催人峽慘慘去何之共指蒼山路來朝白帝祠荒  
城秋草滿古樹野藤垂浩蕩荆江遠淒涼蜀客悲  
遲回問風俗涕泗閔興衰故國依然在遺民豈復  
知一方稱警蹕萬乘擁旌旗遠畧初吞漢雄心豈  
在夔崎嶇來野廟閔默愧當時破甑蒸山麥長歌  
唱竹枝荆邯真壯士吳柱本經師失計雖無及圖  
王固已奇猶餘帝王號皎皎在門楣陸游詩曉入  
大谿口是爲瞿塘門長江從蜀來日夜東南奔兩  
山對崔嵬勢若塞乾坤峭壁空仰視欲上不可捫  
禹功何巍巍尙覩鐫鑿痕天不生斯人人皆化魚  
鼉於時仲冬月水各歸其源灩澦屹中流百尺呈  
孤根參差層顛屋邦人祀公孫力戰死社稷宜享  
廟貌尊丈夫貴不撓成敗何足論我欲伐巨石作  
碑累千言上陳躍馬壯下斥棄驟昏雖慚豪偉詞  
尙慰雄傑魂君王昔玉食何至歆雞豚願言采芳  
蘭舞歌薦清尊王十朋詩白帝城前石笋三根連

灋灋互相參不知此石能言否往事應同老柏談

三功祠明正德七年巡撫林俊毀公孫述像祀馬

援及川主土神

附明林俊記正德庚午予起征藍道夔之下關所謂白帝城者問其

祠公孫述也子曰越矣哉非鬼之祭也古者慎制

祀以爲國典無謂加典爲非宜况賊而神祀之倒

持綱常蔑名教乃爾可慨矣方述起成都以輔漢

爲名乘亂稱帝馬伏波見而少之曰子陽井底蛙

耳故不受僞命專意東方用能佐世祖立功異域

爲中興名臣而述竟漢賊以死述可祀他口鄢藍

亦可祀亂賊之臣亦何憚而自沮耶嗚呼世道之

大關也政而系之教焉淫祠之當毀其有先於此

者乎嘗怪述生盜名器既誅死猶土偶南面謬竊

血食者千數百年少陵東坡徒寄春秋之筆而諸

葛武侯張忠定范忠宣輩任是方猶未及是正意

者將有待於今耶固世道者之責也既命毀其像

易其額焉正所宜祀者土神江神而伏波亦與焉  
昔其工氏之伯有九有也其子后土氏能平九土  
故祀以爲社書曰宜於冢土下關雖一里之社土  
之民其世依以生也川澤以出財用而祝融元冥  
河伯江瀆具在祀典潞公所修益州江瀆之祠故  
在也書曰望於山川關又江之襟喉民寄命至要  
也皆蒙被功德所宜報而祀而以告以祈又胥聚  
於此若乃炎精中微奸僞移柄當是時述能如援  
擇漢胄以自依則述將與賈鄧等伍望蜀之萌何  
自起蜀之赤子何名爲從賊浮橋覆溺八百之慘  
亦何因而至哉述名教罪人貽蜀人之禍至於今  
爲烈也故毀述而進伏波與順也亦祀典也嗚呼  
君臣天地之大經也亂臣賊子人人得而誅之無  
赦者況予叨討賊之權者乎植人心扶世教毀賊  
述之祀以聲討藍之端道之大關若此無謂然乎  
哉

義正祠嘉靖十一年巡撫朱廷立改三功祠爲義

正祀漢昭烈以孔明配三十六年巡撫段錦以關

張配改曰明良殿

附明郭棐賦夔之東爲白帝城其中巍然峙者爲義正祠以祀

漢昭烈帝配以孔明關張紀德報功載在祀典予  
叨守夔視事之三日拜謁祠下感往躡而嘆焉其

詞曰猗帝中山之華裔兮痛金精之霧矇仗孤劍  
以躍起兮掃羣飛之莽蜂偉桃園之義聚兮思踵

躡於沛豐彼雲長與翼德兮均萬夫之雄鋒挺昂  
昂之姱節兮豈錚錚之可同維帝能翕張之兮遂

咸勵夫赤衷思經綸之茂闡兮有諸葛之人龍苟  
一出以亨皇路兮又奚恤三顧於隆中旣精神之

孚契兮乃魚水之相從慨樊城之威震兮空灑恨  
於阿蒙悵當陽之追北兮竟返真於安宮揭肝膽

以顧遺兮諒茲心之孤忠爰許帝以馳驅兮臣亦  
何愛於厥躬陳二表以率師兮誕三出於祁峯甘

巾幘之見辱兮知仲達之已窮胡天之不祚漢兮  
殞將星之瞳矐徒驚嘆於奇才兮竟墮淚於英雄

嗟帝與三臣之傑特兮亦無掇乎漢運之攸終信  
天心之不易謔兮豈人力之能爲功繫白帝之噪  
岷兮允靈氣之所鍾恍廟貌之赫奕兮儼棟宇之  
穹窿配三川以並永兮亘萬禩其來崇視曹瞞泉  
吳獠兮奚啻螺贏之與蟻螻嗟余承紫宸之休命  
兮攬五馬之殊庸追鴻勳於漢上兮採盛燾於蜀  
東偉經畫之如存兮邈元漠之罕通敬陳詞以奠  
醑兮殫守土之虔恭冀精靈之來格兮尙愍念此  
邦之疲瘵旌旗影兮蕭蕭鐘鼓聲兮逢逢神之往  
來兮玃蒼螭兮駕青虹醑酒滌兮維馨牲牲潔兮  
維豐神之降鑒兮惠時雨兮扇和風唐唐次文年  
月日某官謹遣某乙以清酌之奠敢昭薦於蜀先  
主之靈惟靈開業保疆始終此土英聲厚德實冠  
於時知人拔才橫出千古仁深運促徂落於茲宮  
觀雖平廟貌猶在歲時水旱皆薦馨香德惠於人  
人仰其德氓心吏意小大皆虔今夏潦逾旬洪波  
四漲邑屋有墊溺之懼麥禾有淹浸之危而急浪  
奔流漸襄高嶺某奉詔守郡政化未敷懼其災沴

以病稼穡敬奠示醴又燔薰香庶以精誠感於明  
德使神明之佐騁其智英勇之將奮其怒以遏雷  
霆之震以滅漂蕩之聲鏡洗層霄百物蓁茂濕雲  
不泄陰霓潛收開此晴霽以欽神化祈而有應大  
報牲牢伏惟尙饗宋王十朋文嗚呼東都之季盜  
窺神器分鼎者三帝乃劉氏有高皇度有光武志  
有王佐臣無中原地以區區蜀抗大國二天厭漢  
德壯圖弗遂功雖少貶四海歸義永安故宮遺跡  
可記君臣有廟英雄墮淚歲月浸遠棟宇莫治某  
來守是邦過而興喟一新廟貌薄薦殽載旁觀八  
陣細讀三志我雖有酒不祀孫吳我雖有肴不享  
曹魏

國朝

王士正記十一月十六日舟發夔州太監熙君過

予以小舟同往魚復浦磧上觀八陣圖所謂六十  
四陣如棋盤二十四陣如偃月者不甚可辨太守  
云登高遙望行列宛然近觀卽存髣髴理不可曉  
按蔡氏云八陣生於方圓方者坤圓者乾或謂風  
后因井田之法以立兵制武侯得之布之魚復壘